

乙

扁鵲心書



扁鵲心書卷中

古神醫盧人扁鵲傳

宋太醫真定竇材重集

國朝 錢塘胡珏參論

傷寒

傷寒六脉浮緊呻吟不絕足指温者陽也忌服涼藥
恐變為陰害人性命至六日發煩躁乃陰陽換氣欲
作汗也服當歸伏苓散汗出而愈

六脉緊大或弦細不呻吟多睡耳聾足指冷肢節痛



發黃身生赤黑。曆時發噫氣。皆陰也。灸關元三百壯。

服金液丹薑附湯過十日半月出汗而愈。若不早灸。

反與涼藥者死。辨別陰陽不比于此。然熟體此二條則治傷寒證誤謬亦少。其灸法雖不能徧行。若貧家無力而遇難起之病。不能備參藥。勉告以灸能活命。倘肯依從。未必非仁術之一端。予每見時疫盛行之際。鄉陬死者比戶。心切憐之。倘盡心力。并合丹藥以濟之。不特已身蒙福。子孫亦必昌大。

若吐逆而心下痞。灸中脘五十壯。若微微發顫者。欲

作汗。服薑附湯而愈。若少年壯實之人。傷寒至五六

日發狂踰垣上屋。胃中有積熱也。服大通散輕者知

毋散亦愈。



傷寒四經見證

傷寒祇有四經無少陽厥陰二經夫寒之中人如太

陽主皮毛故寒邪先客此經陽明主胃凡形寒飲冷

則傷之太陰主脾凡飲食失節過食寒物則傷之少

陰主腎寒水喜歸本經也故傷寒止有四經若少陽

厥陰主肝膽如憂思喜怒方得傷之寒病最少如耳

聾囊縮者少陰也寒熱口苦乃陽病也此四證俱不

宜用寒涼藥也言無少陽厥陰二經非通論也時醫見寒熱口苦耳聾脇痛乾嘔吐逆不

辨陰陽不審虛實動云少陽首肩小柴胡和解以為穩妥不知虛陽提越內陰愈甚變為躁擾不安胸膈



痞悶口渴澀澹妄脉體弦急更云內熱已深輕則瀉心
白虎重則隔胸承氣不至冰脫不已至厥陰標陰
本風中見火化證來錯雜
人多不識誤死者多矣

太陽見證

太陽寒水內屬膀胱故脉來浮緊外證頭疼發熱腰
脊強惟服平胃散至六七日出汗而愈蓋胃氣不虛
傳徧經絡自愈也仲景以爲陽證乃與涼藥隨經而
解反攻出他病甚者變爲陰證六脈沉細發厥而死
急灸關元乃可復生如本經至六七日發戰者欲作
解而陽氣少也服薑附湯出汗而愈

仲景圓機活法
論中救誤者甚

多何嘗能誤人哉其誤人者乃後人誤用仲景法而誤之耳于仲景何尤

陽明見證

陽明燥金內属于胃六脈浮緊而長外證目痛發熱

手足溫呻吟不絕服當歸柴胡湯平胃散仲景反言

熱深厥亦深此誤也若果發昏厥兩目枯陷不能鼻

者急灸中腕五十壯漸漸省人事手足溫者生否則

死仲景厥陰證中有厥熱多寡之論不過驗邪正之

何誤進退察陰陽之消長示人爲治之活法無偏無倚

太陰見證



太陰濕土內属于脾其脈弦緊外證不呻吟四肢不

痛身不甚熱時自汗自利手足冷多痰唾服保元丹

薑附湯十日後汗出而愈

此證溫治若早愈亦甚速稍不審察害人亦易

一證發黃生紫斑咽乾燥噫氣者此名陰燥陰黃服

鍾乳粉十日後汗出而愈庸醫或誤認陽證涼之即

死

少陰見證

少陰君火內属于腎其脈弦大外證肢節不痛不呻

吟但好睡足指冷耳聾口乾多痰唾身生赤黑靨時

發噫氣身重如山煩躁不止急灸關元三百壯內服
保元丹薑附湯過十日汗出而愈若作陽證誤服涼
藥以致發昏譫語循衣摸牀吐血脈細乃真氣虛腎
水欲涸也仲景反曰急下之以救腎水此誤也真氣
既虛反用涼藥以攻其裏是促其死也急灸關元三

百壯可保無虞

少陰本熱標寒而又中見太陽本熱之證固不易治况標陰為病于頭萬

緒變態百出令人接應不暇然只在初時體察真切用灸用溫亦非難事良由初着一錯貽誤到底害人不少至若無本熱而又無中見之太陽一派陰寒必死無疑或速灸關元重投丹附亦在于覺之早庶望其生○少陰誤治而變諸敗逆證誠為費手先生之論揣屬形藏故尚溫補仲景之論惟言氣化故主承

制然論中用溫者多下者不過數條而已况標本氣化今古難明非神于仲景之法者不能倘于急下證而誤溫殺人反掌急溫證而誤下冤沉海底嗟嗟醫之為道誠難矣

傷風傷寒

脈浮為風脈緊為寒仲景分為兩塗故有麻黃桂枝之說此誤也然傷寒乃太陽本氣受傷不可大汗但

服薑附湯自愈不必穿鑿他求以為精也浮風緊寒古人通論

解肌發表定法難磨仲景不可訾也至若緊而勁急或微或沉神志稍失其常形氣不能振作則先生之法斷不可緩○傷風輕淺之證初起咽疼喉痛鼻中火出此風邪外傷毛腠抑遏陽氣故現此耳醫者不明誤用寒涼馴致重大



挾食冷物

脈沉爲胃氣寒緊爲冷氣盛滑則食不消其證頭痛發熱嘔吐心下痞時或腹痛服丁香丸來復丹若冷物不消葶藶散胃虛者平胃散理中丸

中濕

三四月間人感潮濕之氣名曰濕病或六七月大雨時行恣飲冰冷物亦名中濕則令人寒熱自汗陽則脈緊肢節痛足指溫服大附湯陰則脈沉而緊肢節不痛身涼自利足指冷服薑附湯不可發汗汗則

必發煩躁虛汗不止或發黃腫若服涼藥則泄瀉而
死先生于此證雖分陰陽而用附子則一今人于六
死七月之交不辨是寒是濕或陰或陽動輒云暑而
用寒涼及至發腫瀉泄而猶云暑毒未
清又行攻下不至醫殺不止實可痛心

陰毒

或腎虛人或房事後或胃發冷氣卽腹痛煩躁甚者
囊縮昏悶而死急灸關元一百壯內服薑附湯保元
丹可救一二若遲則氣脫雖灸亦無益矣審證的確
卽當速救

不可因循
致歸絕路

老人傷寒

切忌發汗及吐下。蓋元氣盛則邪不能為害。傳徧經絡自愈。仲景不敢補。反攻邪氣。致正氣受傷。誤人多矣。凡遇此證。只用薑附湯多服。自然解散。元虛而受攻傷正何

必老人仲景醫之

聖者寧不知此

陰陽換氣

凡傷寒陽證欲作汗。陰證已加灸。真元欲復與邪氣分爭。必發寒戰。鼻衄昏迷。牙關微緊。四肢微厥。乃陰陽換氣也。一二時辰自然腋下汗出而愈。陰陽換氣即今之所

謂戰汗須預告病家。令其不必驚駭。否則闔室蒼惶。讒言蜂起。彼時一劑誤投。遂有生死之判。

傷寒、譫語

凡傷寒譫語屬少陰、仲景屬陽明誤也、陽明內熱必發狂、今止譫語故為少陰。仲景皆指神虛未嘗不屬少陰也。急灸關元三百壯、若灸後仍不止者死。

傷寒衄血

凡鼻衄不過一二盞者、氣欲和也。不汗而愈、若衄至升斗者、乃真氣脫也。針關元入三寸、留二十呼、血立止。再灸關元二百壯、服金腋丹、不然恐成虛勞中滿。

當解當清當溫當補
審證須治庶幾無誤

勞復

傷寒瘥後飲食起居勞動則復發熱其侯頭痛身熱
煩躁或腹疼脈浮而緊此勞復也服平胃散分氣丸
汗出而愈若連服三四次不除者此元氣大虛故也

灸中脘五十壯

勞復證仲景數方用須斟酌第一須
審邪氣之有無辨寒熱之多寡以施

治則無
誤矣

汗後大便下赤水或膿血

此乃胃中積熱未除或服丹附而致宜服黃連當歸
芍藥湯下膿者如聖餅化積而愈經云熱雖甚不死



若陰氣盛則殺人于頃刻戒之熱藥之過一涼可解涼藥之誤十熱難廖

又積熱易解而易治沉陰難愈而難明臨證之工大宜體認

汗後發噫

由于脾腎虛弱冷氣上奔也服薑附湯來復丹此症多是

發呃苦噫證無死人之理觀後二案可見

治驗

一人傷寒至八日脉大而緊發黃生紫斑噫氣足

指冷至脚面此太陰証也最重難治為灸命關五

十壯關元二百壯服金液丹鍾乳粉四日汗出而



愈

一人患傷寒至六日脉弦緊身發黃自汗亦太陰

證也先服金液丹點命關穴病人不肯灸傷寒惟

太陰少陰二證死人最速若不早灸雖服藥無効

不信至九日瀉血而死

不聽良言往往至此及至證變而下血俗醫猶謂疏

黃熱迫痛為排擠反用寒涼以下石至死眾口呶
呶總咎熱藥之害婆心遭謗不一而足然有天道

何恤
人言

一人病傷寒至六日微發黃一醫與茵陳湯次日

更深黃色徧身如梔子此太陰證誤服涼藥而致

肝木侮脾余為灸命關五十壯服金液丹而愈傷寒

發黃雖有陰陽之異然脾家陰濕而為陰黃者多不可不知

一人患傷寒初起即厥逆脉一息八九至諸醫以

為必死余曰乃陰毒也與薑附湯一盞至半夜汗

出而愈若以脉數為熱下涼藥必死無疑俗醫視此必以

為痧證禁服官料藥耑行焮刺縱飲冷水不致冰脫不已

肺傷寒

肺傷寒一證方書多不載誤人甚多與少陰證同但

不出汗而愈每發于正二臘月間亦頭疼肢節痛發

